

ՊԱՏՄՈՒՄ ԵՆ ԱԿԱՆԱՏԵՍ ԶԻՆՈՒՈՐԱԿԱՆՆԵՐԸ

Երևան, 6 Մայիսի, Մ.Տ.Կ.- Ստորև ներկայացնում ենք 3 ականատես զինուորականների վկայությունները՝ Գետաշենում կատարուած ռերագործությունների մասին.

«Ես Մայիսի 1ին գտնուած էի Տողան գիւղի պահակա-կէտում, երբ պարետից հրաման ստացայ մեկնել Գետաշեն՝ վիրաւորներին այնտեղից դուրս բերելու համար:

Սպասելով գրահամեքենայի եւ ատումատարների ժամանմանը, ես երեկոյեան ժամը 8ի մօտ նանապարիտեցի Գետաշեն: Տեղ հասանք բաւական ուշ: Հանդիպեցինք գիւղխորհրդի նախագահին եւ միասին գնացինք հիւանդանոց: Հիւանդանոցում ես տեսայ մարդկանց, ծերերի, երիտասարդների դիակներ՝ սպանուած հրազէնով, կացնահարուած, կտրուած ականջներով: Այնտեղ կար 18 դիակ:

Հիւանդանոցում կային նաեւ 7 վիրաւորներ եւ ծեծուածներ: Նրանցից մէկի զանգամաշէկն էին հանել: Այնտեղ մի կին կար վիրաւորուած ձեռքով: Նա պատմեց, որ իր ձեռքի վրայ կրակել էին այն բանի համար, որ հրաժարուել էր մատից մատանին հանել: Գիւղխորհրդի նախագահի ասելով՝ ՕՄՕՆականները ձերբակալել էին 47

բնակիչների եւ պահանջել, որ երէ 48 ժամուայ ընթացքում գիւղը չդատարկուի, պատանդները կը գնդակահարուեն: Նա պատմեց նաեւ, որ պատանդների մի մասը անմարդկային ծեծի էին ենթարկուել, նրանց ստիպել են գրել եւ ստորագրել, որ իրենք հայ գրոհայիններ են: Իմ ներկայութեամբ 60 տարեկան երկու պատանդ բերեցին, որոնք շարժուել անգամ չէին կարողանում եւ բժշկական զննման ժամանակ ցաւից բզաւում էին: Ներկայումս 15 մարդու նակատագիր անյայտ է:

Այս բոլոր գործողութիւնները կատարուած էին աղբբեշանական ՆԳՆ ՕՄՕՆականների ուժերով, որոնք բնակիչների վկայութեամբ անարգել սպանում էին ու բալանում, ծաղրուծանակի ենթարկում:

Դժուարութեամբ տեղաւորելով 5 դիակ եւ վիրաւորներին, մենք շարժուեցինք դէպի Շահումեանի շրջան: Գետաշենից դուրս գալիս լեռան վրայից տեսանք, որ այրուած են հարեւան Մարտունաշեն գիւղի տները: Ամբողջ նանապարհին կանգնած էին տանկեր, գրահամեքենաներ եւ խորհրդային բանակի զինուորներ: Նրանց հետ էին նաեւ մեծ քանակութեամբ ՕՄՕՆականներ:

Լրացնելով այս ամէնին՝ հաղորդում եմ, որ Գետա-

շենի եւ Մարտունաշենի դէմ զինուած գործողութիւնները սկսուել են խորհրդային բանակի զօրամիաւորումների մուտքով, որից յետոյ գիւղեր են ներխուժել ՕՄՕՆականները»:

«Ես Մայիսի 1ին պարետից հրաման ստացայ մեկնել Գետաշեն եւ Մարտունաշեն: Ղուշչի Արմախր գիւղի մատոյցներում մեր նանապարհը փակեցին զինուորական եւ ոստիկանական հագուստներով մարդիկ: Նրանք մեզ կանգնեցրին եւ հարցրին, թէ ուր ենք գնում եւ ինչ նպատակով: Ես պատասխանեցի, որ մենք շարժուած ենք դէպի Մարտունաշեն եւ որ մեզ հրամայուած է վերցնել հիւանդանոցում գտնուող վիրաւորներին, կանանց եւ երեխաներին:

Սպան ինձ հրաւիրեց կապի հանգոյց, որտեղ սկսեցինք պարզել, թէ ովքեր ենք մենք: Այս բոլորից յետոյ սպաներից մէկը, որը ներկայացաւ որպէս գնդապետ Մահմեդով, խորհուրդ տուեց չշարունակել նանապարհը, բանի որ այնտեղ ուժեղ փոխհրաձգութիւն է սկսուել:

Համաձայնեցուեց, որ մենք կը շարունակենք մեր ճանապարհը առաւօտ վաղ: Այդպէս էլ եղաւ. շարժուեցինք առաւօտեան 7:30ին:

Հասնելով Մարտունաշէն՝ մենք այնտեղ ընդհարման հետքեր տեսանք՝ հրդեհուած տներ, շրջուած մեքենաներ, ձերերի, որոնք արցունք աչքերին խնդրում էին պաշտպանել իրենց: Այնուհետեւ մենք հասանք Գետաշէն եւ հիւանդանոցից վերցրինք 14 մարդ, այդ բում 5 սպանուած, վիրաւորներ, կանայք եւ երեխաներ: Գիւղից դուրս գալիս Մարտունաշէնից սկսեցին հրանօթներով կրակել, իսկ Կամօ գիւղի մօտ մենք հանդիպեցինք տանկերով, զրահամեքենաներով, ատոմատաւորներով ուժեղացուած պահակակէտի: Առանց բարդութիւնների մենք այն անցանք:

Գետաշէնի հիւանդանոցում իմ տեսած վիրաւորները հիմնականում ձերեր, կանայք ու երեխաներ էին, սպանուածներին նայելն ահաւոր էր: Երբ մենք դուրս էինք գալիս գիւղից, բնակիչները աղաչում էին իրենց

անպաշտպան չբողնել. ասում էին, որ ՕՄՕՆականները եւ զինուորները կը սպանեն բոլորին:

Կամօ գիւղի մօտ մենք հանդիպեցինք գօրամիաւորման, տանկերի եւ զրահամեքենաների վրայ նստած էին ռուս զինուորներ ու սպաներ»:

«Ժամը 23ին մենք հասանք Ղուշի Արմաւիրի պահակակէտը, որտեղ մեզ կանգնեցրին ՕՄՕՆականները: Այստեղ գիշերելուց յետոյ մենք մեկնեցինք Գետաշէն: Ռադիոկապով պայմանաւորուելով տեղի ղեկավարութեան հետ՝ մենք հասանք հիւանդանոց, որի մօտ մարդիկ էին հաւաքուել: Նրանց մէջ հիմնականում ձերեր էին, կանայք ու երեխաներ, որոնք հեռացել էին իրենց տներից: Տան մօտ սպանուածներ կային, ամէնուրեք զնդակոծութեան հետքեր կային: Գետաշէնից հեռանալիս մենք տեսանք այրուող Մարտունաշէնը, տանկեր, զրահամեքենաներ, զինուորներ եւ ՕՄՕՆականներ»: